

## **К ОПУБЛИКОВАНИЮ**

### **КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ**

**Коми Республикаса йӖзлысь дзоньвидзалун видзан канму учреждениеясын торъя категория уджалысьяслы сэк, кор найӧ удж серти кывкутана могъяс збыльмӧдан кадколастӧ висьмӧмаӧсь COVID-19 выль коронавирус инфекцияӧн либӧ больничаясь бокын висьмӧмаӧсь ты ӧдӧмӧн, ӧтчыдысь сьӧм мынтӧм урчитӧм йылысь**

Коми Республикаса Веськӧдлан котыр шуис:

1. Урчитны Коми Республикаса йӖзлысь дзоньвидзалун видзан канму учреждениеясын врачьяслы, шӧр да ичӧт медицина персоналлы, санитаркаяслы (мыськасысьяслы), регыдя медицина отсӧг сетан автомашинаясса водительяслы сэк, кор найӧ удж серти кывкутана могъяс збыльмӧдан кадколастӧ висьмӧмаӧсь COVID-19 выль коронавирус инфекцияӧн либӧ больничаясь бокын висьмӧмаӧсь ты ӧдӧмӧн, ӧтчыдысь сьӧм мынтӧмсӧ (водзӧ – ӧтчыдысь сьӧм мынтӧм) 5 000 шайт мындаын.

2. Ӑтчыдысь сьӧм мынтӧмсӧ сетӧны ӧтчыдысь тайӧ шуӧмлӧн 1 пунктын индӧм уджалысьяслы ӧти удж сетысь дорын удж йылысь ӧти сӧрнитчӧм серти сэк, кор сийӧ 2020 вося рака тӧлысь 16 лунсянь да содтӧд дасьлун режим помасьтӧдз, мый пыртӧма «Содтӧд дасьлун режим пыртӧм йылысь» Коми Республикаса Юралысьлӧн 2020 во рака тӧлысь 15 лунся 16 №-а Индӧдӧн, висьмӧма ПЦР методӧн лабораторнӧя эскӧдӧм COVID-19 выль коронавирус инфекцияӧн либӧ больничаясь бокын висьмӧма ты ӧдӧмӧн, мый тӧдмалӧма тысӧ компьютернӧй томография методӧн туялӧм бӧрын.

3. Ӑтчыдысь сьӧм мынтӧмсӧ оз урчитны уджалысьяслы, кодъяс босьтисны ӧтчыдысь страхӧвӧй мынтӧмӧн содтӧд страхӧвӧй гарантияссӧ «Торъя категория медицина уджалысьяслы содтӧд страхӧвӧй гарантияяс сетӧм

йылысь» Россия Федерацияса Президентлөн 2020 во ода-кора тöлысь 6 лунся 313 №-а Индöд серти.

4. Öтчыдысь сьöм мынтöм серти районнöй коэффицентсö да Ылі Войвыв районьясын да накöд öткодялöм местаясын уджалöмысь прöчентнöй надбавкаяссö оз индыны.

5. Öтчыдысь сьöм мынтöмсö финансöвöя могмöдан öшмöсөн лöб Коми Республикаса республиканскöй сьöмкуд.

6. Индыны Коми Республикаса йöзлысь дзоньвидзалун видзан министерствоöс öтчыдысь сьöм мынтöм збыльмöдöмсö котыртöм серти Коми Республикаса уполномочитöм олöмö пöртысь власьт органөн.

7. Коми Республикаса йöзлысь дзоньвидзалун видзан министерство вынсьöдö öтчыдысь сьöм мынтöм сетан пöрадоксö.

8. Тайö шуöмыс вынсялö сійöс официальнöя йöзöдан лунсянь.

Коми Республикаса Веськöдлан котырөн

Юрнуöдысьöс вежысь –

Коми Республикаса сьöм овмöс министр

Г. Рубцова

Сыктывкар

2020 вося кöч тöлысь 23 лун

475 №